

Broj: UP-06-26-1-005- 19 /22
Sarajevo, 23.08.2022. godine

Na osnovu člana 25., a u vezi sa članom 16. stav (4) Zakona o konkurenciji („Službeni glasnik BiH“, br. 48/05, 76/07 i 80/09) Konkurencijsko vijeće daje

O B A V J E Š T E N J E
o Prijavi koncentracije

1. Konkurencijsko vijeće Bosne i Hercegovine je dana 17.01.2022. godine, zaprimilo Prijavu koncentracije privrednih subjekata Mješoviti Holding Elektroprivreda Republike Srpske, Matično preduzeće a.d. Trebinje, Stepe Stevanovića bb, 89101 Trebinje i Lugos Renewables Karlatolt Felelossegu Tarsasag, Gesztenye utca 2, 6500 Baja, Republika Mađarska, kojom privredni subjekt Lugos Renewables Karlatolt Felelossegu Tarsasag, stiče većinski udio u osnovnom kapitalu privrednog subjekta Solarna fotonaponska elektrana Trebinje 1, Stepe Stepanovića bb, Trebinje.
2. Pravni oblik koncentracije predstavlja sticanje kontrole ili prevladavajućeg utjecaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata i to sticanjem većine udjela osnovnog kapitala, u smislu člana 12. stav (1) tačka b) pod 1) Zakona o konkurenciji.
3. Predmetna koncentracija će imati efekat na relevantnom tržištu proizvodnje, trgovine i snabdijevanja električnom energijom na teritoriji Republike Srpske.
4. Konkurencijsko vijeće poziva sve zainteresovane privredne subjekte koji djeluju na navedenom relevantnom tržištu ili druge privredne subjekte koji djeluju na drugim tržištima, na kojima bi predmetna koncentracija mogla imati efekat, te druge institucije ili udruženja koje imaju odgovarajuća saznanja o relevantnom tržištu da mogu dostaviti pisane primjedbe i mišljenja u vremenskom roku od 7 dana, na adresu – Dubrovačka 6, 71 000 Sarajevo, ili fax 033 251 408.
5. Ova Obavijest će biti objavljena u dnevnim novinama i na internet stranici Konkurencijskog vijeća (www.bihkonk.gov.ba)

Predsjednik

Nebojša Popić